



Iddimanngiiu Jensen Bianco, Inuit Ataqtigiiit
Inatsisartunut ilaasortaq

**Akissuteqaat - §37 naapertorlugu apeqqummut - 166-2025 – Tasiilami erngup
nukinganit nukissiorfiup allissutissaa**

26-09-2025
Sags nr. 2025 - 878

Postboks 930
3900 Nuuk
Tlf. (+299) 34 68 00
Fax (+299) 43 02
E-mail: asn@nanoq.gl
www.naalakkersuisut.gl

Asasara Iddimanngiiu Jensen Bianco,

Inatsisartut suleriaasiat malillugu § 37 naapertorlugu apeqquteqarputit Tasiilami
erngup nukinganit nukissiorfiup allissutissaata taamaatikkallarnissaanik
aalajangernermut tunngasumik. Apeqqutitit uannut akisassanngortinneqarput.
Apeqqutitit tulluuttuni ataasiakkaarlugit atuarneqarsinnaassapput taavalu
akissutigineqartut.

**Apeqqut 1: Suna pissutigerpiarlugu Tasiilami erngup nukinganit nukissiorfiup
allissutissaa taamaatinneqarallarpa?**

Tasiilami erngup nukinganit nukissiorfiup allineqarnissaanut siunertaasimavoq
illoqarfiup kiassarneqarnerata annertunerusumik erngup nukinganit nukissiorfimmit
pinissaa, taamaaliornikkut illoqarfimmi uuliamik atuineq annikinnerulersinniarlugu.

Tamanna tunuliaqutaralugu 2022-mi nalunaarusiortoqarpoq taassumalu takutippaa
erngup nukinganit nukissiorfiup allissutissaanik suliaqarnissaq inuiaqtigiiit
anigaasarsiornerannut iluaqutaassasoq. Iluaqutissartaa annertugisassaanngilaq
taamalu sanaartortitsinissamut anigaasartuutit qaffappata imaluunniit orsussap akii
allannguuteqarpata unamminartortaqalersussaalluni.

Ajoraluartumik nukissiorfiliassamut neqeroorut Nukissiorfinnit pissarsiarineqartoq ilimagisamit akisunerujussuuvoq taamalu inuiaqatigiit aningaasarsiornerat eqqarsaatigalugu akilersinnaajunnaarluni.

Taamaalilluni nukissiorfiup sananissaa akisunerulersussaavoq taamatullu innaallagissamit kiassarnissaq, naatsorsuutigineqarsinnaasumik maanna uuliartortumik kiassarnermut atorneqartumut sanilliullugit. Aamma iluaqutissat allat missingiukkalarutsigilluunniit, soorlu silaannaap kissatsikkiartorneranit pisumit gassip aniasup mingutsitsinerillu annikinnerulernissaat, suliassaq inuiaqatigiit aningaasarsiornerat eqqarsaatigalugu maanna akilersinnaajunnaarpoq.

Ilutigisaanik suliassaq Nukissiorfiit ingerlatsinerminni aningaasaqarniarnerat isigalugu akilersinnaanngilaq. Missingiunneqarpoq allissutissamik suliaqarnissap Nukissiorfiit aningaasaqarniarnerat artorsartittussaagaa, innaallagissamut kiassarnermullu akit qaffanneqareersut qaffaqqittariaqalissallutik.

Tamakku tunuliaqutaapput allissutissap taamaatikkallarneqarneranut.

Tasiilami innaallagissamik pilersuinerunissaq pisariaqartinneqalissappat Naalakkersuisut Nukissiorfiit suleqatigalugit pissutsit atuuttut naapertorlugit aaqqiissutissamik nassaarniarumaarput qulakkeerniarumaarlugulu pilersuinermini sillimmateqarnissamik pisariaqartitsineq.

Apequt 2: Erngup nukinganik nukissiorfiup Tasiilamik pilersuinera naammappa?

Nukissiorfiit naliliinerat naapertorlugu maannakkorpiaq Tasiilami innaallagissamik pilersuineq tamarmiisoq naammappoq aamma pilersuinermit ilapertuutaalersussat eqqarsaatigalugit, tassunga ilanngullugit aalisakkerivik nutaaq inissiallu blokkit nutaat marluk. Innaallagissamik pilersuisut tamarmiullutik tassaapput erngup nukinganit nukissiorfik innaallagissiorfillu, innaallagissamik pilersuinerup annertunerulernerani tapertaasartoq.

Aammattaaq Nukissiorfiit ilisimatitsipput, Tasiilami pilersuineq aalajaatsumik ingerlasoq taamalu 2022-p kingorna illoqarfik qamittoorsimanngitsoq.

Apequt 3: Tasiilami erngup nukinganit nukissiorfiup allissutissaata saniatigut sunik allanik Naalakkersuisut pilersaaruteqarpat?

Tasiilami pilersuineramik pisariaqartitsineq Naalakkersuisunit qanimut malittarineqarpoq. Pingaarutilitsigut allannguuteqartoqassagaluarpas illoqarfiup innaallagissamik pilersorneqarnera tamakkiisoq eqqarsaatigalugu aningaasaliissuteqarnissamik nutaamik pisariaqartitsilersumik, aaqqiissutissat attuumassuteqartut misissuiffigineqarumaarput, tassunga ilanngullugit erngup nukinganit nukissiorfiup allissutissaa imaluunniit dieselitortumik immikkut pisariaqartitsineq kiisalu pilersuinermini sillimmatissanik pisariaqartitsinerulerneq.

Inussiarnersumik inuulluaqqusillunga/
Med venlig hilsen



Naaja H. Nathanielsen

Inuussutissarsiornermut, Aatsitassanut, Nukissiutinut, Inatsisit
Atuutsinneqarnerannut Naligiissitaanermullu Naalakkersuisoq